


INSCRIPTIONUM
ANTIQUARUM RE-
PERTARUM
CLASSIS PRIMA.
DIIS DEDICATORUM ET
SACRIFICIORUM.

I. *Athenis ara posita quondam fuit, sic inscripta.*

ΘΕΟΙΣ ΑΣΙΑΣ ΚΑΙ ΕΥΡΩΠΗΣ
 ΚΑΙ ΛΙΒΥΗΣ
 ΘΕΩ ΑΓΝΩΣΤΩ
 ΚΑΙ
 ΞΕΝΩ.

SELDENUS Prolegom. Syntagmatis de Diis Syris c. 3.

JAC. PHIL. TOMASINUS de donariis c. 3.

BEAT. HIERONYMUM *comm. in epist. ad Titum c. 1.* secuti Scholiastæ quidam (nominantur *Philippides & Oecumenius*) quam ille latinam, hi græcam dederunt. Recepta fuit ab omnibus & communi consensu habita pro ea ipsa, quam D. Paulus sibi visam Athenis refert apud Scriptorem *πρᾶξαποσό- λος c. XVII. v. 23.* Sed durum est credere Apostolum non solum mutilasse continentiam Inscriptionis, sed & in eadem mutasse numerum, pro plurali *DIIS IGNOTIS*, quod habet Hieronymus, inferendo singularem *Αγνώστῳ Θεῷ*: de quo falsi crimine tam calumniam Adversariorum, quam & Judicium animadversionem non erat effugiturus. Scopo quoque Apostoli, qui unum verum *DEUM κατειδώλοισ* & supersticiosi Atheniensibus prædicare, ejusque cultum promulgare instituerat, adversabatur maximè intimatio *DEORUM* Asiæ, Europæ & Africa, quos ille animis eorum exemptos potius quam inditos volebat: ut de libertate circa allegationes scriptoribus sacris profanisque usitatâ, quâ non semper verba adnumerant, sensumque tantum exhibent, interdum etiam pro arbitrio de suo addunt, demunt, mutant, hic excipere non liceat. Fecerit hoc Tertullianus, qui *in Apologet. invenire se dicit Diis ignotis aras prostitutas in Attica*, & Philostratus, qui *Apollon. L. 2. Αθήνησι καὶ ἀγνώστων Θεῶν ἑωμοὶ ἰδρυν- ται,*